

lazarin
912

L'Union et alliance de l'Espagne...

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
3912

UNIVERSITY OF N.C. AT CHAPEL HILL



00023014462

58
l'Union & alliance
de l'Espagne avec la France
2^e 4^e

1649

3 pages

L'UNION
ET ALLIANCE
DE
L'ESPAGNE
AVEC
LA FRANCE.

2
3912

AVEC LES PROTESTATIONS
du Roy d'Espagne contre
Mazarin.

Sujet aussi remarquable, que curieux.



A PARIS,
Chez PIERRE VARIQVET, rue S. Jean de Latran
deuant le College Royal.

M. DC. XLIX.
AVEC PERMISSION.

ET ALLIANCE

DE

L'ESPAGNE

AVEC


LA FRANCE

AVEC LES PROTESTATIONS

du Roy d'Espagne contre

Mazarin

par le sieur de la Roche-Beaucourt



Paris chez le sieur de la Roche-Beaucourt, au Collège Royal


M. DE LA ROCHE-
BEAUCOURT

L'VNION ET ALLIANCE

de l'Espagne avec la France.

Avec les Protestations du Roy
d'Espagne contre Mazarin.

Sujet aussi remarquable que curieux.

 YANS porté mes Meditations sur l'économie, sur toutes les creatures qui font le composé del'Vniuers, ie n'ay rien trouué qui ne soit capable de charmer mes sens & rauir mes esprits. Cette Diuine Sagesse a donné à chaque espee, les proprieté conuenables à son estre; à la Terre la stabilité, à la Mer son reflux, aux Plantes des qualitez, aux Oiseaux le volle, & aux Vents la legereté: mais quand ie regarde fixement ce bel Astre qui fait tous les prodiges de la Nature, & qui se fait admirer par l'éclat de sa beauté, sans lequel toutes les belles productions de la Nature, ne peuuent estre faites, comme a reconnu Aristote dans le liure des generations, disant, *Sol ac homo generant homines*. Ce Ciel majestueux est tout brillant d'Estoilles, qui font vn mouuement par vn ordre tres excellent; c'est ce qui fait autant adorer qu'admirer l'Autheur de ce Monde superieur, qui gouuerne ses creatures.

A. ii

944.03

M475m

No. 3912

817425

avec vn ordre digne de sa sagesse : l'vnion qui se rencontre dans cette eternelle conduite, ne peut estre trop considerée, mesme par la beauré de ces esprits Angeliques, qui sans cesse forment dans leurs intelligences des idées suiues de respects & venerations à l'endroit d'vne Majesté si adorable, qui a créé toutes choses pour vne bonne fin.

Orie dis que les moyens qu'elle a donné pour y paruenir, c'est l'vnion, sans laquelle la Charité, qui est la Reyne des Vertus, est exilée; & la Religion, qui est d'un culte diuin, ne peut subsister sans elle; & quiconque ne la possède, ne peut esperer aucune entrée au séjour de la gloire: la Foy, quoy que viue, & l'Esperance sont infructueuses sans ce fondement; au terme de l'Apostre.

Les animaux, chacun dans son genre & espee, par vn instinct naturel conseruent cette vnion; c'est pour cela qu'ils ne se liurent aucun combat & vivent dans le repos. Mais les hommes, qui plus nobles incomparablement, veu qu'estans intelligens & participans à la nature Angelique, & portant l'image & le caractere ineffacable de la Diuinité, cherchent tous vnaniment la société ciuile, soustenuë & appuyée de l'vnion; c'est cette eschelle de Iacob, par laquelle les vns montent & les autres descendent.

L'on ne peut paruenir au sommet de la perfection, qu'avec cette aimable charité qui vny les cœurs, diuert les contentions, foment la Paix, chasse les diuorces & inimitiez. En vn mot, c'est

• l'image

RBO
NOM

l'image du Paradis, ainsi que la des-vnion est celle
de l'Enfer.

C'est ce qu'à fort iudicieusement remarqué ce
grand Monarque & Roy tres-Catholique, la con-
duite aussi bien que la sagesse, duquel ne se peu-
uent trop admirer, car il est à preiuger que ce de-
bonnaire Prince n'est point autheur de la guerre,
veu qu'il n'a plus forte passion que de s'vnir à la
France par vne bonne pacification, qui est dans le
cœur de ses sujets, aussi bien que le regret d'auoir
demeuré si long temps parmy des troubles qui ont
tout rauagé, & qui n'ont donné aucun repos aux
consciéces, si ce n'est en celle de Mazarin & de ses
complices, qui'y ont trouué leur satisfaction; ce
cruel a empesché la Paix, par ses astuces & inuen-
tions Italiennes & criminelles.

Il a allumé le flambeau de la guerre par toutes
Royaumes, & ses plus chers delices n'ont esté que
d'extorquer les biens, en des-vnissant toutes les
plus fortes amitez; mesme son insolence & teme-
rité extreme, n'ont épargné les testes couronnées
qu'il a couuertes d'épines tres-piquantes, par la
perte & ruine de leurs Estars.

Ce pieux Monarque & tres-Catholique Prince,
proteste que ce funeste Iberien, est vn proditeur
& vn faulxaire, qui a suscité par ses malefices des
seditions, & qui a diuerses fois fait rupture des
traitez de Paix; & que si sa Majesté a ysé de ses
forces Royales, n'a esté que pour maintenir son
Estat, & l'appuyer contre la tyrannie Mazarine.

que si le Ciel n'auoit secondé ses armes, que ce Tyran ne visoit qu'à alterer son Estat, en le dépouillant de Naples par la reuolte de ses subjets, afin de l'assujettir à sa tyrannie & de s'en declarer Roy: mais Dieu a diuertý son pernicieux dessein, qui voulant excéder toutes les Loix de la raison, vouloit éleuer son frere le Cardinal d'Aix en vn degré sur eminent, luy ayant déjà fait porter des Croces, luy qui n'estoit capable (par la vilité de sa naissance) qu'à porter des houlettes: neantmoins triomphant du sort, se seruant des forces du Roy tres-Chrestien, a intimidé sa Sainteté, la menaçant de perdre son domaine si elle refusoit le chapeau Cardinal à son dit frere, comme elle auoit fait plusieurs fois l'en iugeant indigne.

Ce mauuais Ministre est le fleau de toutes les Nations, ainsi qu'il en a esté l'oppresseur: toutes les creatures ne buttent qu'à sa perte, afin que par icelle le negoce soit libre, que les Viateurs y trouvent leur seureté, les Nautonniers y rencontrent vn fauorable port, les enfans de Cérés la liberté de cultiuer leurs terres, & les Iardiniers d'émonder leurs arbres; & pour paruenir à vn bien si souhaitable, vn chacun prend les armes, & semble que par vne motion secrette, & par vne Prouidence speciale de Dieu, tous les plus écartez du Soleil, n'aspirent qu'à sa perte.

Et pour le faire voir plus clairement qu'avec la lampe de Diogenes, n'y a qu'à considérer cette Majesté Espagnole, sans disputer dauantage. Cette

bonté véritablement Royale, n'a-t'elle pas enuoyé
expres à ce venerable & respectueux Senat luy fai-
re offre de son armée ? après qu'elle a esté suppliée
par Mazarin, luy accorder pour ruiner la France,
& sacrifier à sa rage & à ses furieuses passions cette
illustre Cōpagnée, à laquelle il doit toute venera-
tiō. Cēt impie croyoit flechir cette ame Royale par
l'excès de ses promesses, qui estoient fondées dans
l'injustice, voulant donner à ce valeureux Prince
libre accès dans la France, luy rendre toutes les
Places que les armes florissantes des François
auoient acquises à cēt Estat, & que par vne triste
Paix il se rendroit absolu, se seruant de la minorité
du Roy, apres qu'il auroit victimé à sa cruauté
ordinaire cette sainte Societé, qui est l'appuy du
timon, & le Soleil qui éclaire tous les peuples; ce
sera le mesme qui dissipera tous les nuages & cal-
mera toutes les tempestes. Ces Augustes Senateurs
seront comme ces astres tres-brillans, qui amènent
vn tres agreable iour.

Qui n'est autre que la Paix qui calmera tous
soins, & qui rendra la France plus florissante que
iamais, bien tost à la faueur de ces aimables & res-
pectueux Magistrats; elle sera affranchie de tou-
tes les oppressions Mazarines: l'Espagne aussi bien
qu'elle y apporte ses soins, par les offres qu'elle
fait de contribuer par sa milice à vn employ si
glorieux, qui chassera les troubles, & vnira plus
estroitement les cœurs, mesme les plus sauuages, à
la plus grande gloire de Dieu, par la perte de cēt

inhumain; Et apres vne bonne Paix generale, qui
couronnera cette heroique entreprise, les Cou-
ronnes estans vnies, à la faueur de leurs Peuples,
on prendra les armes contre ces execrables An-
glois, qui ont miserablement massacré leur Roy,
qui par cét horrible attentat, ont attiré la maledi-
ction du Ciel & de la Terre.

FIN.

